


武英殿二十四史

# 史記

漢 太史公 撰  
宋 中郎 外兵曹 參 軍 裴 駰 集 解  
唐 國子博士 弘文館 學士 司馬 貞 索 隱  
唐 諸王 侍讀 率府 長 史 張 守 節 正 義





史記卷二十九

漢

太

史令司馬遷 撰



宋

中

郎外兵曹參軍裴

駟集解

唐國子博士弘文館學士司馬貞索隱

唐諸王侍讀率府長史 張守節正義

河渠書第七

夏書曰禹抑鴻水十三年過家不入門

**索隱**抑音憶抑者遏也洪水滔天故禹遏之不令害人也漢書溝洫志作堙堙

抑皆塞也 陸行載車水行載舟泥行蹈毳山行即橋

**集解**徐廣曰橋近遙反一作樅樅直轅車也音已足反尸子曰

山行乘櫟音力追反又曰行塗以楯行險以撮行沙以軌又曰乘風車音去喬反**索隱**毳字亦作橈同音昌芮反注以撮子芮反又子絕反與蕤音同以

別九州隨山浚川任土作貢通九道陂九澤

**正義**顏師古云通九州之道及障遏其澤也 度九山 **正**

度田洛反釋名云山者產也治水以志九州山澤所生物產言於地所宜商而度之以制貢賦也

然河蓄衍溢害中國也尤甚

唯是為務故道河自積石歷龍門

**正義**在同州韓城縣北五十里為鑿廣八十步 南到華陰 **正義**華陰縣也魏之

史記卷二十九

陰晉秦惠文王更名寧秦漢高帝改曰華陰也

東下砥柱

**正義**砥柱山俗名三門山在硤石縣東北五十里在河之中也 及孟津 **正義**在洛

州河陽縣南門外也 雒汭至于大邳

**正義**孔安國云山再成曰邳按在衛州黎陽縣南七里是也

於是禹以為河所從來者高水湍悍

**集解**韋昭曰湍疾悍強也

難以行平地數為敗乃廝二渠以引其河

**集解**漢書音義

曰廝分也二渠其一出貝丘西南二折者也其一則漯川**索隱**廝漢書作灑史記舊本亦作灑字從水按韋昭云疏決為灑字音疏跬反廝即分其流泄其怒

是也又按二渠其一即漯川其二王莽時遂空也

北載之高地過降水

**正義**降水源出潞州屯留縣西南方山東北至于大

陸 **正義**大陸澤在邢州及趙州界一名廣河澤一名鉅鹿澤也

播為九河

**正義**言過降水及大陸水之口至冀州分為九河 同為逆

河入于勃海

**集解**瓚曰禹貢云夾石碣石入于海然則河口之入海乃在碣石也武帝元光二年河徙東郡更注勃海禹之時不注勃海也 九

川既疏九澤既灑諸夏艾安功施于三代自是之後滎陽下引河東南為鴻溝

**索隱**楚漢中分之界文穎云即今官渡水也蓋為二渠一南經陽武為官渡水一東經大梁城即鴻溝今之汴河是也

以通宋鄭陳蔡曹

衛與濟汝淮泗會于楚西方則通渠漢水雲夢之野東方則通鴻溝江淮之間

於吳則通渠三江五湖

**集解**韋昭曰五湖湖名耳實一湖今太湖是也在吳西南**索隱**三江按地理志北江從會稽毗陵縣北東入海

中江從丹陽蕪湖縣東北至會稽陽羨縣東入海南江從會稽吳縣南東入海故禹貢有北江中江也五湖者郭璞江賦云具區洮漏彭蠡青草洞庭是也又



云太湖周五百里故曰五湖於齊則通菑濟之閒於蜀蜀守冰集解漢書曰冰姓李鑿離碓集解晉灼曰古堆字

也辟沫水之害索隱辟音避沫音未按說文云沫水出蜀西南徼外與青衣合東南入江也穿二江成都之中正義括地

志云大江一名汶江一名管橋水一名清江亦名水江西南自溫江縣界流來又云郫江一名成都江一名市橋江亦名中日江亦曰內江西北自新繁縣界

流來二江並在益州成都縣界任豫益州記云二江者郫江流江也風俗通云秦昭王使李冰為蜀守開成都縣兩江溉田萬頃神須取女二人以為婦冰自

以女與神為婚徑至祠勸神酒酒杯澹澹因厲聲責之因忽不見良久有兩蒼牛鬪於江岸有閒輒還流汗謂官屬曰吾鬪疲極不當相助耶南向腰中正白

者我綬也主簿刺殺北面者江神遂死華此渠皆可行舟有餘則用溉浸百姓

陽國志云蜀時濯錦流江中則鮮明也

響其利至于所過往往引其水益用溉田疇之渠以萬億計然莫足數也西門

豹引漳水溉鄴正義括地志云漳水一名濁漳水源出潞州長子縣西力黃山地理志云濁漳水在長子鹿谷山東至鄴入清漳按力黃鹿谷

二山北鹿也鄴以富魏之河內而韓聞秦之好興事欲罷之毋令東伐集解如淳曰欲

罷勞之息秦乃使水工鄭國集解韋昭曰鄭國閒說秦令鑿涇水自中山西邸

伐韓之計乃使水工鄭國集解韋昭曰鄭國閒說秦令鑿涇水自中山西邸

瓠口為渠索隱小顏云中音仲即今九峻山之東仲山是也邸至也瓠口即谷口乃郊祀志所謂寒門谷口是也與池陽相近故曰田於何所池陽

谷口也正義括地志云中山一名仲山在雍州雲陽縣西南二十五里今枯也亦名瓠在涇陽北城外也邸至也至渠首起雲陽縣西南二十五里今枯也

並北山東注洛集解徐廣曰出三百餘里欲以溉田中作而覺秦欲殺鄭國鄭

國曰始臣為閒然渠成亦秦之利也索隱溝洫志鄭國云臣為韓延數歲之命為秦建萬代之功是也秦以為

然卒使就渠渠就用注填闕之水溉澤鹵之地四萬餘頃索隱溉音古代反澤一作舄音昔又並音

尺本或作斥則如字讀之收皆畝一鐘於是關中為沃野無凶年秦以富彊卒并諸侯因命

曰鄭國渠漢興三十九年孝文時河決酸棗東潰金隄正義括地志云金隄一名千里隄在白馬縣東

五於是東郡大興卒塞之其後四十有餘年今天子元光之中而河決於瓠子

東南注鉅野正義括地志云鄆州鉅野縣東北大澤是通於淮泗於是天子使汲黯鄭當時與人徒

塞之輒復壞是時武安侯田蚡為丞相其奉邑食鄆索隱音輸韋昭云清河縣也正義貝州縣也鄆

居河北河決而南則鄆無水菑邑收多蚡言於上曰江河之決皆天事未易以

人力為彊塞塞之未必應天而望氣用數者亦以為然於是天子久之不事復

塞也是時鄭當時為大農言曰異時關東漕粟從渭中上度六月而罷而漕水

道九百餘里時有難處引渭穿渠起長安並南山下至河三百餘里徑易漕度

## 史記卷二十九



可令三月罷而渠下民田萬餘頃又可得以溉田此損漕省卒而益肥關中之地得穀天子以為然令齊人水工徐伯表索隱舊說徐伯表水工姓名也小顏以為表者巡行穿渠之處而表記之

若今豎標表悉發卒集解徐廣曰一云悉衆數萬人穿漕渠三歲而通通以漕大便利其

後漕稍多而渠下之民頗得以溉田矣其後河東守番係索隱按詩小雅云番維司

徒番氏也言漕從山東西索隱按謂從山東運漕而西入關也歲百餘萬石更砥柱之限敗亡甚

多而亦煩費穿渠引汾正義括地志云汾水源出嵐州靜樂縣北百三十里管涔山北東南流入并州即西南流入至絳州蒲州入河

也溉皮氏汾陰下正義括地志云皮氏故城在絳州龍門縣西百三十步自秦漢魏晉皮氏縣皆治此汾陰故城俗名殷湯城在蒲汾陰縣

北九里漢汾陰縣是也引河溉汾陰蒲坂下度可得五千頃五千頃故盡河壩弃地集解韋昭

曰壩音而緣反謂緣河邊地也索隱又音人亮反民芟牧其中耳索隱芟乾草也謂人收芟及牧畜於中也今溉田之度可

得穀二百萬石以上穀從渭上與關中無異而砥柱之東可無復漕天子以為

然發卒數萬人作渠田數歲河移徙渠不利則田者不能償種久之河東渠田

廢予越人令少府以為稍入集解如淳曰時越人有徙者以田與之其租稅入少府索隱其田既薄越人徙居者習水利故與之

## 史記卷二十九

三

而稍少其稅其後人有上書欲通褒斜道集解韋昭曰褒中縣也斜谷名音邪

入之于少府贊曰褒斜二水名正義括地志云褒谷在梁州褒城縣北五十里斜水源出褒城縣西北九十八里衙嶺山與褒水

同源而派流漢書溝洫志云褒水通沔斜水通渭皆以行船是也按褒城即褒中縣及漕事下御史大夫張湯湯問其事因言抵蜀從故道正義括地志云鳳州兩當縣本漢故

道縣也在州故道多阪回遠今穿褒斜道少阪近四百里而褒水通沔斜水通

渭皆可以行舡漕漕從南陽正義南陽縣即今鄧州也上沔入褒褒之絕水至斜閒百餘里

以車轉從斜下下渭如此漢中之穀可致山東從沔無限正義限之言多也山東謂河南之東山南

之東及江南淮南皆經砥柱主便於砥柱之漕且褒斜材木竹箭之饒擬於巴

蜀天子以為然拜湯子卬為漢中守發數萬人作褒斜道五百餘里道果便近

而水湍石集解徐廣曰湍一本作洩不可漕其後莊熊羆言臨晉正義括地志云同州本臨晉城也一名大荔城亦曰

馮翊民願穿洛以溉重泉正義洛漆沮水也括地志云重泉故城在同州蒲城縣東南四十五里在同州西北亦四十五里以

東萬餘頃攻鹵地誠得水可令畝十石於是為發卒萬餘人穿渠自徵集解應劭曰徵

在馮翊索隱音懲縣名也引洛水至商顏下集解服虔曰顏音崖或曰商顏山名也索隱顏音崖又如字商顏山



也岸善崩集解如淳曰洛水岸正義言商原之崖岸土性疏故善崩毀也乃鑿井深者四十餘丈往往為井井

下相通行水水積以絕商顏集解下流曰積東至山嶺十餘里閒井渠之生自此始

穿渠得龍骨正義括地志云伏龍祠在同州馮翊縣西北四十里故老云漢時自徵穿渠引洛得龍骨其後立祠因以伏龍為名今祠頗有靈驗

也故名曰龍首渠作之十餘歲渠頗通猶未得其饒自河決瓠子後二十餘歲

歲因以數不登而梁楚之地尤甚天子既封禪巡祭山川其明年旱乾封少雨

天子乃使汲仁郭昌發卒數萬人塞瓠子決於是天子已用事萬里沙正義括地志云

萬里沙在華州鄭縣東北二十里也則還自臨決河沈白馬玉璧于河令羣臣從官自將軍已下

皆負薪寘決河是時東郡燒草以故薪柴少而下淇園之竹集解晉灼曰衛以之苑也多竹篠

為槌集解如淳曰樹竹塞水決之口稍稍布插接樹之水稍弱補令密謂之槌以草塞其裏乃以土填之有石以石為之音建索隱槌音其免反槌者樹

於水中稍下天子既臨河決悼功之不成乃作歌曰瓠子決兮將奈何皓皓盱

盱兮閭殫為河集解如淳曰殫盡也殫為河兮地不得寧功無已時兮吾山平

集解徐廣曰東郡東阿有魚山或者是乎駟按如淳曰恐水漸山使平也韋昭曰鑿山以填河也吾山平兮鉅野溢集解如淳曰瓠子決

## 史記卷二十九

四

灌鉅野澤魚沸鬱兮柏冬日集解徐廣曰柏猶迫也冬日行天邊若與水相連矣駟按漢書音義曰鉅野滿溢則衆魚沸鬱而滋

長也迫冬延道弛兮離常流集解徐廣曰延一作正駟按晉灼曰言河道皆弛壞也索隱言河之決由其源道延長弛溢故使其

道皆離常流故晉灼蛟龍騁兮方遠遊歸舊川兮神哉沛集解瓚曰水還舊道則羣害消除神祐滂

沛不封禪兮安知外為我謂河伯兮何不仁泛濫不止兮愁吾人齧桑浮兮淮

泗滿集解張晏曰齧桑地名也久不反兮水維緩一曰河湯湯兮激潺湲北渡

迺兮浚流難牽長菱兮沈美玉集解如淳曰牽取也菱草也音郊一曰菱芋也取長芋樹之用著石間以塞決河瓚曰竹葦絙

謂之菱下所以引致土石者也索隱牽音河伯許兮薪不屬集解如淳曰旱薪已免反菱一作菱音廢鄒氏又音緋也

不屬兮衛人罪燒蕭條兮噫乎何以禦水積林竹兮槌石菑集解如淳曰河決槌不能禁故言菑

韋昭曰槌柱也宣房塞兮萬福來於是卒塞瓠子築宮其上名曰宣房宮而道

河北行二渠復禹舊迹而梁楚之地復寧無水灾自是之後用事者爭言水利

朔方西河河西酒泉皆引河及川谷以溉田而關中輔渠靈軹集解如淳曰地理志陂屋有靈

軹渠索隱按溝洫志兒寬為左內史奏請穿引堵水集解徐廣曰汝南九江引六輔渠小顏云今尚謂之輔渠亦曰六渠也



淮東海引鉅定集解 瓚曰鉅定澤名太山下引汶水皆穿渠為溉田各萬餘頃佗小渠披

山通道者不可勝言然其著者在宣房

太史公曰余南登廬山觀禹疏九江遂至于會稽太湟集解 徐廣曰一作濕上姑蘇望五

湖東闕洛汭大邳迎河行淮泗濟漯洛渠西瞻蜀之岷山及離碓北自龍門至

于朔方曰甚哉水之為利害也余從負薪塞宣房悲瓠子之詩而作河渠書集解

徐廣曰溝洫志行田二百畝分賦田與一夫二百畝以田惡故更歲耕之

索隱述贊曰水之利害自古而然禹疏溝洫隨山濬川爰洎後世非無聖賢鴻溝既劃龍骨斯穿填闕攸壑黎蒸有年宣房在詠梁楚獲全

史記卷二十九

五

河渠書